

# تاریخ عثمانی انجمنی

مجموعہ سی

ایک آیدہ برنشر اولنور

مندرجات

علمدار مصطفیٰ پاشا (مابعد) . . . . .	افضل الدین
ایلیک التی پادشاهمزک بروسہدہ کائن ترہہ لری . . . . .	احمد توحید
یوسف نامی . . . . .	صفوت
ایکنجی ویانہ سفری حقندہ . . . . .	محمد عارف
سیواس سلطانی قاضی برهان الدین نامنہ قیصریہدہ بر کتابہ . . . . .	خلیل ادہم
سلسلہ وقوعات دولت علیہدہ ضبط اندلیان ۱۱۴۲ سنہ سی حادثاتی . . . . .	محمد عارف
متنوعہ : بلدریم سلطان بایزید خان اول دورندہ مصرہ {	احمد توحید
سفارتلہ کوندریلین سفر شاہک وفاتی . . . . .	
متفرقہ : قانوننامہ آل عثمان (ایکنجیسی) . . . . .	محمد عارف

فیثاتی ہ غروش

مرجعی — باب عالی تاریخ عثمانی انجمنی

استانبول

مطبعہ انجمنی عثمانی

مطبعہ انجمنی عثمانی

۱۳۳۰

## متنوعه

### یلدیرم سلطان بایزید خان اول دورنده مصره سفارته کوندریلن سفر شاهک وفاتی

دولت ایلخانیه به کوسردیکی مقاومت دلیرانه دن طولانی مصرده کی  
ممالیک اترک دولتی یدنجی و سکزنجی عصر هجریده عالم اسلامک مظهر  
حرمت و توجهی اولمش ایدی . ایلک سلاطین عظام عثمانیه بودولت ایله  
مناسبات سیاسیهده بولمیشلر و ایلچیلر کوندرمشلر ایدی .

سلطان اورخان و سلطان مراد خداوندکار زمانلرنده مصره عثمانلی  
ایلچیلری کوندرمش اولوب خداوندکار دورنده کوندریلن سفیر « یازنجی  
اوغلی » نک عودت ایتدیکی و ملک مصردن برچوق هدیه لر کتیردیکی نثری  
تاریخنده محرردر . منشآت فریدونده مندرج ۷۹۳ سنه سی شوالی تاریخی  
یلدیرم بایزید خانک جوابنامه هایونلرنده مصر ملککک نامه سی کتیرن  
سعدالدین سعدالله البریدی نک عودتندن بحث ایدیلور .

یلدیرم سلطان بایزیدخان اول جانبندن مصره کوندریلن قاضی زین الدین  
سفر شاهک ۷۹۸ سنه سی جمادی الاول سنک عشر اخیرنده ارتحال ایتدیکی  
بدرالدین محمود عینی تاریخ مشهورنده یازمشدر .

سفر شاه مدت کثیره مصرده تحصیل علوم ایتدیکن صکره بلادرومه  
یعنی آناتولی به عودتله دولت عثمانیه خدمته داخل اولدینی و بو دفعه  
سفارته مصره کلوب آز مدت صکره ارتحال ایلدیکی و مومی ایه اولدقجه  
ارباب فضیلندن ایسهده کنیدیسی مرتبه سنک فوقنده کوردیکی تاریخ  
مذکورک جمله رواياتنددر .

مصر ملکی جانبدار یلدریم بایزیدخان اولہ کوندولش اولان طولو  
بن علی شاہک سکز یوز سنہی ربیع الاولک اون طقوزنجی جمعہ کونی  
مصرہ عودتی ینہ عینی یازیور .

بو تاریخدن صکرہدہ عثمانلی پادشاہلری طرفلرندن مصر چرکس  
ملکترینہ وبولردن سلاطین عثمانیہ ایلچیلر کیدوب کلشکلر وکلوب  
کیتشلردر .

مصرہ کوندریلن اک صوک عثمانلی ایلچیلری یاوز سلطان سلیم خان  
اول طرفندن مصرک فتحندن پک آز اول ارسال قلنان روم ایللی  
قاضیمکری زیرک زاده رکن الدین افندی ایلہ قراجه پاشادر .

احمد توحید